


BUDUĆNOST BIZNISA

U srijedu, 29.3.2023. godine u Amfiteatru II Ekonomskog fakulteta Brčko, Vedran Šimunović, izvršni direktor Intera tehnološkog parka u Mostaru, održao je predavanje na temu „Budućnost biznisa“.

Zbog potrebe za inovativnim projektima te kvalitetnom obrazovnom radnom snagom na domaćem tržištu, najveći tehnološki park u Bosni i Hercegovini se trudi da unaprijedi poslovnu scenu regiona, pružajući pojedincima adekvatne vještine i resurse, kao što su IT, poslovne i tehničke edukacije, poslovni inkubator, coworking prostor i ostale usluge.



Vedran Šimunović, ekonomista po struci, zajedno sa svojim timom edukuje mlade, nezaposlene ljude, ali i one sa dugogodišnjim poslovnim iskustvom, kako bi prateći svjetske trendove, opstali u savremenom poslovnom svijetu. Pod njegovim rukovodstvom Intera učestvuje u više desetina EU projekata i pokazala se kao pouzdan partner u stvaranju boljeg poslovnog okruženja za građane Bosne i Hercegovine.

Inicijativa o osnivanju poslovnog inkubatora u našoj zajednici, predložena od strane VSMBD-a, usvojena je i uvrštena u Strategiju razvoja Brčko distrikta BiH za period od 2021. do 2027. godine, a realizacija ovakvog projekta znatno bi unaprijedila standard studenata u Brčkom i sasvim poboljšala klimu među mladima i kreativnim ljudima u našem okruženju.

Cilj predavanja ovog tipa je podizanje akademske, privredne i preduzetničke svijesti na viši nivo, kao i približavanje standardima i tehnologijama koje koriste poslovni subjekti u bližem, ali i širem okruženju.

Nastavak predavanja se očekuje u maju, a o sadržaju i predavačima javnost će biti blagovremeno obavještena.

